

La doturia Grete Mahlknecht é demez en vëndres, ai 10 de forá, y vëgn sostituida dal dotur Eduard Agreiter 333 13 80 852.

Le dotur Eduard Agreiter é demez l'atra jöbia y l'ater vëndres, ai 16 y 17 de forá, y vëgn sostituí dala doturia Grete Mahlknecht 349 06 67 034.

## PLOANIES SAN MARTIN Y LUNGIARÜ

Chi che oress cumpré privatamënter le liber nü LALDUN LE SIGNUR, pó le cumpré te calonia vigni domënia do mëssa, por 20 euro.

Le Sorvisc ai Jogn Val Badia mët a jí "Dis de preparaziun al maridé" dala sabeda, 15 d'aurí, ala domënia, 16 d'aurí. Le curs sará por ladin y na picia pert por todësch. Söl program él referac y formaziun ti ciamps de comunicaziun, relaziuns, spiritualité, sanité y dërt. Referënc sará Lois Kastlunger (coordinadú), Christian Ferdigg (pert religiosa), Christian Pedevilla (avocat) y Petra Massardi (consulënta).

Le curs é limité a 12 pers. Porchël periunse da ves prenoté tl Sorvisc Jogn Val Badia 0474 523 070 o info@jogn.org, cina ai 31 de merz 23. Le cost é de 180 euro por per (curs + 2 marënes).

## SAN MARTIN

Les sabedes y domënies ai 4 y 5 de forá y ai 11 y 12 de forá periunse dër bel do osc contribut por scialdé la dlijia y la calonia ch'i podëis dé pro l'oferta tratan mëssa. - Chi che ó pó ince paié por banca IBAN IT 11 J 08010 58830 000304004922

La ploania da San Martin chir n afitadin por sié le pre da munt dla calonia sura Vaciara. I interessá da tó a d'infit le pre é peria da telefoné a 338 46 50 898.

-----

Le zënter sozial La Spona a Pidrô cöi adöm restli de ciandëres o de cëra da podëi lauré sò inant. La cëra pó gní dada jö diretamënter ite da La Spona o sce al foss saré, preibel la lascé dan porta.

Museum Ladin Ciastel de Tor:

I imparun da conësce le Carnescé Ladin y pastelnun mascheres da carnescé; labor por mitans y mituns dla scora elementara en dedemesaledema, ai 15 de forá, dales 14.30-16.30, tl salamënt dles mostres dl Museum Ladin Ciastel de Tor. Cost: 5 euro porom, al plü 15 partezipanc - Iscriziun obligatoria: info@museumladin.it



unitepastorala.org

## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

**05.02. - 12.02.23 n. 11**

ultimo termo por comunicaziuns: jöbia, dales 20.00


## 5ª DOMËNIA IA POR L'ANN "A"

### Vangele do Matü 5,13-16

Te chël tēmp à Gejù dit a sù discepui: Os sèis le sè dla tera.  
Sce le sè perd sù saù, cò pon pa indô le fà saré?

Al ne vel plü nia; al vëgn sciuré demez y pestè sot dala jënt.  
Os sèis la löm dl monn. Na cité, che é sön na munt,  
ne sciafia nia da restè ascognüda.

An n'impëia gnanca na löm  
y mët na sèdla surajö, mo an  
la mët sön n ciandelier, spo ti  
lomìnera a düc te ciasa. Insciö  
dess osta löm lominé dan dala  
jënt, ch'ai vëighes ostes bones  
opres y laldes osc Pere tl cil.



*Os sèis la löm dl monn! Os sèis le se dla tera!*

*Magari unse aldí chëstes parores bele massa gonot, por s'intène ci ch'ares ó dí.  
Gejù ne dij nia ci ch'i messun fá o ch'i messun se comedé por diventé se o löm.*

*I sun bele löm, deache sciöche fis de Dî cheriá do sù somëia  
portunse bele la löm te nos. Chësta löm á tröc inoms: amur, pesc, iustizia,  
proteziun, sconanza dla creaziun:  
ara ó fá chësc monn plü lominus, plü raiënt.*

*Sciöche se dla tera unse le compit  
da ti dé ala vita chë saù ch'ara dess avëi,  
la vita dess ester buna, ti fá bun a düc,  
ara dess gní nudrida y se svilupé,  
a bëgn de düc. (da Te Deum)*



| EDEMA                                                                               | SAN MARTIN                                                                                                                                                                                                                                                                                                  | LUNGIARÜ                                                                                                                                                                                   |  <b>I periun do l'intenziun dl Papa<br/>tl mëis de forá</b>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
|-------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>05.02.23</b><br><b>5ª DOMËNIA ia por l'nn A</b><br><b>DE MONDIAL POR LA VITA</b> | <b>9.00 Corona por vocaziuns</b><br><b>9.30 Gran Mëssa por la comunité</b><br><i>I festejun le de dla vita cun i geniturs di mituns batiá l'ann 2022</i><br>+ siur Heinrich Videsott<br>+ Pasquale Schuen                                                                                                   | <b>7.50 Corona</b><br><b>8.15 Gran Mëssa por la comunité</b><br><i>I festejun le de dla vita cun i geniturs di mituns batiá l'ann 2022</i>                                                 | <p><i>I periun che les ploanies mëtes itamez ci che les liëia adöm y ci che les liëia a Idî, ch'ares vëgnes implides tres deplü de fede, fraternité y desponibilitè defrunt a chi che á le plü debojëgn.</i></p> <p>-----</p> <p><i>Le Dé de Santa Maria da Lourdes, ai 11 de forá, tègn la Dlijia dal 1993 incá le „De Mondial di Amará“.</i><br/> <i>I periun do la interzesciun dla Uma de Dî por düc chi che é amará tl corp, tl'anima o tl spirit, ch'ai varëscen o ch'ai ciafes la forza da suporté süa maratia.</i></p> <p><b>ORAZIUN POR LE DE DLA VITA</b><br/> <i>Bel Dî dōta la vita é n mister:<br/> sciöche la vita sfiora y crësc,<br/> florësc y se svilupëia –<br/> al é na scincunda de tûa grazia,<br/> y nos podun ma l'azeté y se fá demorvëia.<br/> Che la vita á tres ince debojëgn dla trasformaziun, chësc nes á to Fi mostré cun süa mort y süa ressureziun.<br/> Trasformëiesse tres deplü te chë jënt ch'i dessun y ch'i podun ester. Amen.</i></p> <p><b>BENEDISCIUN</b><br/> <i>Bel Dî, te nes as metü a ester tû testimoni.<br/> Benedëscesse chi sintiunse la saú de tûa parora, ch'ara se sais buna y ch'i la capiunse, ch'i ti lasciunse sintí süa buna saú ai atri cun nosta vita.<br/> Benedëscesse ch'i fajunse lominé nosta lôm aladô de tûa parora y ch'i te laldunse cun nostes opres,<br/> tö nosc Dî, Pere y Fi y Spirit Sant.</i></p> |
| 06.02.23 Paul Miki y comp., Dorotea Lönesc                                          |                                                                                                                                                                                                                                                                                                             |                                                                                                                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 07.02.23 Richard, Eugen Dedolönesc                                                  | <b>19.00 Liturgia dla Parora</b>                                                                                                                                                                                                                                                                            |                                                                                                                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 08.02.23 Iarone Em., Iosefina Bakhita Dedemesaledema                                |                                                                                                                                                                                                                                                                                                             |                                                                                                                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 09.02.23<br><b>Jöbia</b><br>Apolonia, Alexia                                        |                                                                                                                                                                                                                                                                                                             | <b>19.00 Mëssa</b> (cun siur Degan)<br>reng. fam. Martin Clara en onú Agnui Custodi<br>+ Sepl Clara, Sanví<br>+ Ida Nagler Mair                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 10.02.23<br><b>Vëndres</b><br>Scolastica, Wilhelm                                   | <b>18.30 Adoraziun chîta</b><br><b>19.00 Adoraziun deboriada</b>                                                                                                                                                                                                                                            |                                                                                                                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| 11.02.23<br><b>Sabeda</b><br>Santa Maria da Lourdes<br><i>De Mondial di Amará</i>   | <b>19.30 Liturgia dla Parora</b>                                                                                                                                                                                                                                                                            | <b>19.30 Mëssa prefestia</b><br>fam. Egidio y Monica Schanung<br>dl ann + Pire Mischi, Pecëi<br>dl ann + Vinzenz Clara, Postin<br>dl ann + Albino Daporta<br>dl ann + Franz Pezzei Ghestan |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| <b>12.02.23</b><br><b>6ª DOMËNIA ia por l'nn A</b>                                  | <b>9.00 Corona</b> (cun siur Degan)<br><b>9.30 Gran Mëssa por la comunité</b><br>en onú de santa Maria da Lourdes<br>+ siur Angel Morlang (dl ann)<br>dl ann + Maria Clara Verginer<br>dl ann + Artur Conrater<br>dl ann + Hans Pescoller<br>+ Clara Frenner Zingerle (dl ann)<br>+ Giovanni Flöss (dl ann) | <b>7.50 Corona</b><br><b>8.15 Gran Mëssa por la comunité o Liturgia dla Parora</b>                                                                                                         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |